



«ԵՐԵՎԱՆԻ ՋԵՐՄԱԷԼԵԿՏՐԱԿԵՆՏՐՈՆ»
ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅՈՒՆ

**ՀՇԳՑ ԷՆԵՐԳԱԲԼՈՎԻ ՇՈԳԵՏՈՒՐԲԻՆԻ ԸՆԹԱՑԻԿ
ՆՈՐՈԳՄԱՆ ԱՇԽԱՏԱՆՔՆԵՐԻ
ՏԵԽՆԻԿԱԿԱՆ ԲՆՈՒԹԱԳԻՐ**



Տեխնիկական բնութագիր

«Երևանի Ջերմաէլեկտրակենտրոն» ՓԲԸ-ի կարիքների համար

ՀՇԳՑ Էներգաբլոկի շոգետուրբինի ընթացիկ նորոգման աշխատանքների

ԲԱԺԻՆ 1. ԻՐԱԿԱՆԱՑՎՈՂ ԱՇԽԱՏԱՆՔԻ ԱՆՎԱՆՈՒՄԸ ՀԱՄԱՁԱՅՆ ԿԻՑ ՆԵՐԿԱՅԱՑՎԱԾ ԾԱՎԱԼԱԹԵՐԹԻ

- 1.1. FUJI 63.6 MW, 63.6 ՄՎտ շոգետուրբինի ընթացիկ նորոգում,
- 1.2. GTLRI 514/57-2, 75 ՄՎԱ Գեներատորի ընթացիկ նորոգում

ԲԱԺԻՆ 2. ԸՆԴՀԱՆՈՒՐ ԴՐՈՒՅԹՆԵՐ

Սույն Տեխնիկական բնութագրերով կատարվող աշխատանքների պատվիրատու և օգտագործող է հանդիսանում «Երևանի Ջերմաէլեկտրակենտրոն» ՓԲԸ :
Վերանորոգումն իրականացնում է մրցույթը շահած կազմակերպությունը:

Ենթաբաժին 2.1 Տեղեկություններ աշխատանքների իրականացման վայրի վերաբերյալ

2.1.1. Աշխատանքներն իրականացվում են Հայաստանի Հանրապետությունում՝ «Երևանի Ջերմաէլեկտրակենտրոն» ՓԲԸ -ում:

2.1.2. Աշխատանքների իրականացման վայրը՝ ՀՀ, քաղաք Երևան, ՀՇԳՑ Էներգաբլոկի տարածք:

ԲԱԺԻՆ 3. ԱՇԽԱՏԱՆՔՆԵՐԻ ՏԵԽՆԻԿԱԿԱՆ ԲՆՈՒԹԱԳՐԵՐԻՆ ՆԵՐԿԱՅԱՑՎՈՂ ՊԱՀԱՆՁՆԵՐԸ

Ենթաբաժին 3.1 Աշխատանքների իրականացման ընթացքում գործող տեխնիկական պահանջները

3.1.1. Աշխատանքներն իրականացնող կազմակերպությանը ներկայացվող պահանջները

3.1.1.1. Աշխատանքների իրականացման թույլտվություն է ստանում այն անձնակազմը, որը սահմանված կարգով ուսուցում և պատրաստում է անցել, ունի ինքնուրույն աշխատանքի թույլտվության հավաստագրեր , անցել է բժշկական զննություն:

3.1.1.2. Կապալառուն պետք է իրականացնի կազմակերպչական և տեխնիկական միջոցառումներ, որոնք ապահովում են աշխատանքի անվտանգությունը՝ ՀՀ-ում գործող անվտանգության կանոնների պահանջներին համապատասխան:

3.1.1.3. Կապալառուն «ԵրՋԷԿ»-ին է տրամադրում սարքավորումների կապիտալ նորոգման աշխատանքներ կատարող անձանց ցուցակը (ապահովելով ծավալաթերթով նախատեսված աշխատանքների իրականացման համար անհրաժեշտ քանակությամբ անձնակազմ),



3.1.1.4. Կապալառուն պետք է ունենա գործիքների, հանդերձանքի, չափիչ սարքերի (ստուգաչափված) անհրաժեշտ համակազմ և հարմարանքներ՝ նորոգման աշխատանքներ իրականացնելու համար:

3.1.2. Պլանավորում, վերահսկում և հաշվետվություն

3.1.2.1. Կապալառուն պետք է ներկայացնի աշխատանքների կազմակերպման պլան (ΠΟΡ), որը պետք է համաձայնեցվի «ԵրՋԷԿ»-ի գլխավոր ճարտարագետի և արտադրող գործարանի կողմից ներկայացված ժամանակացույցի համաձայն:

3.1.2.2. Կապալառուն աշխատում է «ԵրՋԷԿ»-ի կողմից հաստատված վերանորոգման գծային ժամանակացույցով:

3.1.2.3. Կապալառուի կողմից կատարվող բոլոր աշխատանքները պետք է պլանավորվեն՝ հաշվի առնելով.

- կայանի՝ վերանորոգման, փորձարկման ժամանակացույցները և պարտադիր կերպով պետք է համաձայնեցվեն «ԵրՋԷԿ»-ի համապատասխան պատասխանատուների հետ,
- աշխատանքների կատարումը շաբաթական 6-օրյա ռեժիմով մեկ հերթափոխով ըստ «ԵրՋԷԿ»-ի հետ համաձայնեցված աշխատանքների ժամանակացույցի:

3.1.2.4. Աշխատանքների համակարգումն իրականացվում է կապալառու կազմակերպության, ԵրՋԷԿ-ի պատասխանատուների և արտադրող գործարանի պատասխանատուների կողմից:

3.1.3. Աշխատանքների իրականացման կարգը

3.1.3.1. Կապալառուն նախքան էներգաբլոկի կանգառը ապահովում է նախապատրաստական աշխատանքների իրականացումը և ավարտական աշխատանքները էներգաբլոկի թողարկումից հետո, ինչպես նաև անց է կացնում փորձարկումներ:

3.1.3.2. Կապալառուն իրականացնում է քանդման, հավաքման և վերանորոգման աշխատանքները:

3.1.3.3. Կապալառուն կազմում և «ԵրՋԷԿ»-ին է տրամադրում հաշվետու տեխնիկական փաստաթղթերը, որը հանդիսանում է հանձնման-ընդունման ակտի անբաժանելի մաս:

ԲԱԺԻՆ 4. ԱՇԽԱՏԱՆՔՆԵՐԻ ԾԱՎԱԼԸ

4.1. Աշխատանքների ծավալը պետք է համապատասխանի պայմանագրին կից աշխատանքների ծավալաթերթին

ԲԱԺԻՆ 5. ՆՅՈՒԹԵՐԻՆ ԵՎ ՍԱՐՔԱՎՈՐՈՒՄՆԵՐԻՆ ՆԵՐԿԱՅԱՑՎՈՂ ՊԱՀԱՆՁՆԵՐԸ

5.1. Հատուկ գործիքներն ու պահեստամասերը տրամադրում է ԵրՋԷԿ-ը:

5.2 Աշխատանքների համար օգտագործվող գազերը (թթվածին, արգոն, պրոպան, ազոտիլեն և այլն) տրամադրում է կապալառուն:

5.3 Ստանդարտ գործիքները և աշխատանքների համար անհրաժեշտ արագամաշ սպառվող և մաքրող նյութերը տրամադրում է կապալառուն:



ԲԱԺԻՆ 6. ԲՆԱՊԱՀՊԱՆԱԿԱՆ ՄԻՋՈՑՆԵՐԻ ԵՎ ՄԻՋՈՑԱՌՈՒՄՆԵՐԻ ՊԱՀԱՆՁՆԵՐԸ

- 6.1. Աշխատանքներն իրականացնելու ընթացքում պայմանագրով աշխատանքների կատարման և գրադեցրած շինությունների և շենքերի, իրեն կցված տարածքների և հաղորդակցուղիների շահագործման ժամանակ Կապալառուն, գործող օրենսդրության համաձայն, պատասխանատվություն է կրում Հայաստանի Հանրապետության՝ շրջակա միջավայրի պահպանության բնագավառում գործող օրենքների և այլ օրենսդրական ակտերի ու նորմատիվ փաստաթղթերի պահանջների խախտման համար:
- 6.2. Աշխատանքների ընթացքում պետք է բացառել անթույլատրելի կոնցենտրացիա առաջացնող քանակի ագրեսիվ, քիմիապես ակտիվ աերոզոլների, գազերի մուտքը աշխատատեղեր և անձնակազմի գտնվելու տարածքներ:
- 6.3. Աշխատանքների ընթացքում պետք է բացառել քիմիապես ակտիվ հեղուկների (նավթամթերքներ, թթուներ, ալկալիներ, լվացման ջրեր և այլն) թափանցումը և դրանցով շենքերի, կառույցների, կոնստրուկցիաների տարրերի, ինչպես նաև սարքավորումների մակերևույթների տոգորումը:
- 6.4. Իրականացվող աշխատանքների ընթացքում և ավարտից հետո գոյացող բոլոր թափոնները պետք է մեկուսացվեն և/կամ օգտահանվեն՝ համաձայն «ԵրՋԷԿ»-ում գործող կանոնակարգերի, հրահանգների, սխեմաների:

ԲԱԺԻՆ 7. ԱՇԽԱՏԱՆՔՆԵՐԻ ԻՐԱԿԱՆԱՑՄԱՆ ԺԱՄԿԵՏԸ

- 7.1. Աշխատանքների իրականացման ժամկետները սահմանվում են Պայմանագրի Օրացուցային գրաֆիկով:

ՕՐԱՑՈՒՑԱՅԻՆ ԳՐԱՖԻԿ

ՀՇԳՑ Էներգաբլոկի շոգետուրբինի ընթացիկ նորոգման աշխատանքների

N ը/կ	Կապալառուի կողմից կատարվելիք աշխատանքների առանձին տեսակների անվանումներ	Աշխատանքների կատարման ժամկետը	
		Սկիզբը	Ավարտը
1	Նախապատրաստական և ավարտական աշխատանքներ	30.08.2026 23.09.2026	02.09.2026 25.09.2026
2	63.6 MW շոգետուրբինի նորոգում	03.09.2026	22.09.2026
3	GTLRI 514/57-2 , 75 ՄՎԱ Գեներատորի նորոգում	06.09.2026	22.09.2026
4	Մետաղի ստուգման աշխատանքներ	10.09.2026	20.09.2026
ԸՆԴԱՄԵՆԸ		30.08.2026	25.09.2026

- 7.2. Ընկերությունը հանդիսանում է ՀՀ էլեկտրաէներգետիկական համակարգի մաս և գործում է «Էլեկտրաէներգետիկական համակարգի օպերատոր» ՓԲԸ-ի օպերատիվ ենթակայության ներքո, որից հետևում է, որ Օրացուցային գրաֆիկով սահմանված Աշխատանքների



իրականացման ժամկետները հնարավոր է տեղափոխվեն՝ կախված «Էլեկտրաէներգետիկական համակարգի օպերատոր» ՓԲԸ-ի հրահանգներից:

ԲԱԺԻՆ 8. ԻՐԱԿԱՆԱՑՎՈՂ ԱՇԽԱՏԱՆՔՆԵՐԻ ՈՐԱԿԻՆ ՆԵՐԿԱՅԱՑՎՈՂ ՊԱՀԱՆՁՆԵՐԸ

- 8.1. Աշխատանքների իրականացումը պետք է լիովին համապատասխանի պայմանագրին կից աշխատանքների ծավալաթերթին,
- 8.2. Իրականացվող աշխատանքների որակի ապահովումն իրականացվում է Կապալառուի կողմից և վերահսկվում է «ԵրՋԷԿ»-ի և արտադրողի համապատասխան անձնակազմի կողմից (յուրաքանչյուրն իր պատասխանատվության սահմաններում):

ԲԱԺԻՆ 9. ԱՇԽԱՏԱՆՔՆԵՐԻ ՀԱՏՈՒԿ ՊԱՅՄԱՆՆԵՐԻՆ ՆԵՐԿԱՅԱՑՎՈՂ ՊԱՀԱՆՁՆԵՐԸ

- 9.1. Աշխատանքները կարող են իրականացվել աշխատող սարքավորումների անմիջական մոտակայքում, որի կապակցությամբ Կապալառուն պետք է ապահովի անվտանգության բոլոր պահանջների անվերապահ կատարումը, ինչպես նաև «ԵրՋԷԿ»-ում գործող համապատասխան փաստաթղթերում նշված տեխնիկական և տեխնոլոգիական սահմանափակումների պահպանումը:
- 9.2. Աշխատանքների իրականացման ընթացքում պետք է երաշխավորվի բնականոն սխեմայով շահագործվող հարակից համակարգերի և սարքավորումների վրա որևէ ազդեցության բացակայությունը:
- 9.3. Աշխատանքների իրականացման ընթացքում պետք է բացառվի սարքավորումների, շինարարական կառուցատարրերի և տրանսպորտային հաղորդակցուղիների վնասումը:
- 9.4. Բեռնբարձման և բեռների տեղափոխման բոլոր աշխատանքները իրականացնել համապատասխան թույլատրություն ունեցող Կապալառուի աշխատակիցների կողմից:
- 9.5. Հաստոցային մշակման համար անհրաժեշտ սարքերը, դետալները սեփական միջոցներով տեղափոխել ՀՇԳՑ էներգաբլոկի տարածքից դեպի կապալարուի նորոգման տեղամաս և աշխատանքների ավարտից հետո նորոգման տեղամասից դեպի ՀՇԳՑ թիվ 1 էներգաբլոկի տարածք:
- 9.6. Պատվիրատուին վերադարձնել հանված հին դետալները, իսկ աշխատանքների ավարտից հետո՝ հատուկ գործիքները և հարմարանքները սարքին, աշխատունակ վիճակում համաձայն հանձնման-ընդունման ակտի: Կորստի կամ վնասման պարագայում կապալառուն պարտավորվում է փոխհատուցել վնասված մասի արժեքը:
- 9.7. Աշխատանքներն ավարտելուց հետո Կապալառուն պետք է հավաքի կողմնակի առարկաները, և պետք է վերականգնվեն վերանորոգման ընթացքում ապամոնտաժված բոլոր սարքավորումներն ու կառուցատարրերը:
- 9.8. Աշխատանքների ընթացքում գոյացած աղբը կապալառուն պարտավոր է պարբերաբար հեռացնել «ԵրՋԷԿ»-ի տարածքից, բացառությամբ արտադրական վտանգավոր թափոններից:



ԲԱԺԻՆ 10. ԵՐԱՇԽԻՔՆԵՐԻ ՏՐԱՄԱԴՐՄԱՆ ԺԱՄԿԵՏԻՆ ԵՎ ԾԱՎԱԼԻՆ ՆԵՐԿԱՅԱՑՎՈՂ ՊԱՀԱՆՁՆԵՐԸ

- 10.1. Կապալառուն պատասխանատվություն է կրում աշխատանքների ոչ պատշաճ իրականացման համար՝ ներառյալ երաշխիքային ժամանակահատվածում օբյեկտի շահագործման ընթացքում հետագայում հայտնաբերված թերությունները:
- 10.2. Կապալառուի կողմից իրականացված աշխատանքների երաշխիքային ժամկետը կազմում է ոչ պակաս, քան 365 օր՝ Հանձնման-ընդունման ակտը ստորագրելու պահից սկսած:
- 10.3. Տրված երաշխիքի գործողության ժամանակահատվածում նորոգված սարքավորումների աշխատանքում ոչ պատշաճ որակով պայմանավորված շեղումներ (արատներ, առանձին գործառույթների կորուստ, կանոնակարգված պարամետրերին չհասնելը, վնասվածքներ, խափանումներ, վթարներ և այլն) հայտնաբերելու դեպքում Կապալառուն պարտավոր է իր հաշվին վերացնել հայտնաբերված անհամապատասխանությունները և դրանց հետևանքները:
- 10.4. Եթե կապալառուի կողմից թույլ տրված շեղումների պատճառով «ԵրՋԷԿ»-ը ֆինանսական կորուստներ կրի, կորուստների փոխհատուցումը կիրականացվի Կապալառուի հաշվին:

ԲԱԺԻՆ 11. ԻՐԱԿԱՆԱՑՎՈՂ ԱՇԽԱՏԱՆՔՆԵՐԻ ԱՆՎՏԱՆԳՈՒԹՅԱՆԸ ՆԵՐԿԱՅԱՑՎՈՂ ՊԱՀԱՆՁՆԵՐԸ

- 11.1. Աշխատանքները կատարելիս Կապալառուն պետք է առաջնորդվի Հայաստանի Հանրապետության օրենսդրության և նորմատիվ տեխնիկական փաստաթղթերի պահանջներով, որոնք կանոնակարգում են աշխատանքների որակը, անվտանգ կատարումը և ընթացիկ նորոգման աշխատանքների ավարտից հետո օբյեկտների շահագործման ընդունումը:
- 11.2. Աշխատանքները պետք է կատարվեն միայն ձևակերպված կարգազրի (հրամանի) առկայության դեպքում՝ «ԵրՋԷԿ»-ում գործող կարգի համաձայն անվտանգության տեխնիկայի կանոնների և հրդեհային անվտանգության միջոցների պահպանմամբ:
- 11.3. Աշխատանքների իրականացման ընթացքում ներգրավված անձնակազմի անվտանգության ապահովումը Կապալառուի պարտականությունն է: «ԵրՋԷԿ»-ն իրավունք ունի կասեցնել Կապալառուի կողմից կատարվող աշխատանքներն անվտանգության պահանջների այնպիսի խախտումներ հայտնաբերելու դեպքում, որոնք սպառնում են անձնակազմի առողջությանը, սարքավորումների, շինարարական կառուցատարրերի ամբողջականությանը և/կամ կարող են վնաս հասցնել շրջակա միջավայրին:
- 11.4. Աշխատանքներ կատարելիս Կապալառուն հսկում է՝ ԵրՋԷԿ-ը վերահսկում անվտանգության պահանջների պահպանումը:



ԲԱԺԻՆ 12. ԱՇԽԱՏԱՆՔՆԵՐԻ ԱՐԴՅՈՒՆՔՆԵՐԻՆ ԵՎ ԸՆԴՈՒՆՄԱՆ ԿԱՐԳԻՆ ՆԵՐԿԱՅԱՑՎՈՂ ՊԱՀԱՆՁՆԵՐԸ

- 12.1. Կատարված աշխատանքների ընդունումն իրականացվում է աշխատանքների հանձնման-ընդունման ակտի ձևակերպմամբ, որը կազմվում է փաստացի կատարված աշխատանքների ծավալով: Ծավալաթերթը նախահաշվում ներկայացված բայց փաստացի չկատարված աշխատանքները չեն կարող ներառվել հանձնման ընդունման ակտում
- 12.2. Կապալառուի կողմից «ԵրՋԷԿ»-ի ընդունող հանձնաժողովին ներկայացվող կատարողական փաստաթղթերի լրակազմի նախնական ցանկը պետք է համաձայնեցվի «ԵրՋԷԿ»-ի հետ:
- 12.3. Ավարտված աշխատանքների արդյունքում սարքավորումների պարամետրերը պետք է համապատասխանեն նախագծային և աշխատանքային փաստաթղթերի դրույթներին և պահանջներին:
- 12.4. Հաշվետու փաստաթղթերի կազմը և ծավալը պետք է համապատասխանեն «ԵրՋԷԿ»-ում գործող նորմատիվ տեխնիկական փաստաթղթերի դրույթներին և պահանջներին և պետք է համաձայնեցված լինեն «ԵրՋԷԿ»-ի հետ:

ԲԱԺԻՆ 13. ՆԵՐԿԱՅԱՑՎՈՂ ՏԵՂԵԿԱՏՎՈՒԹՅԱՆ ՁԵՎԻՆ ՆԵՐԿԱՅԱՑՎՈՂ ՊԱՀԱՆՁՆԵՐԸ

- 13.1. Կապալառուի կողմից մշակված բոլոր փաստաթղթերը «ԵրՋԷԿ» փոխանցելուց առաջ պետք է պատշաճ կերպով ձևակերպված և ստորագրված լինեն կատարողների, ստուգողների, համաձայնեցնող և հաստատող անձանց կողմից:

Ծավալաթերթ-նախահաշիվ

«Երևանի ՋԷԿ» ՓԲԸ-ի ՀՇԳՑ էներգաբլոկի շոգետուրբինի ընթացիկ նորոգման աշխատանքների

No	Աշխատանքի անվանումը	Չափման միավորը	Քանակը	Նախահաշվային արժեքը ընդհանուրի նկատմամբ %-ներով
1	2	4	5	7
1	I. 63.6 MW շոգետուրբին			88.2731
2	Տուրբինի և գեներատորի սրահի առաստաղի պաշտպանիչ փահանների ապամոնտաժում և մոնտաժում	մ ³	10	
3	Տուրբինի փականների ջերմամեկուսացման քանդում	մ ³	2.1	
4	Առջևի հենարանի նորոգում /դիմահար հենարանային/առանց ներդրակի փոխարինման և վերայցման և ռոտորի հանման	հատ	1	



ՀՇԳՑ ԷՆԵՐԳԱԲԼՈՎԻ ՍԱՐՔԱՎՈՐՈՒՄՆԵՐԻ ԿԱՊԻՏԱԼ ՆՈՐՈԳՄԱՆ ԱՇԽԱՏԱՆՔՆԵՐԻ ՏԵԽՆԻԿԱԿԱՆ ԲՆՈՒԹԱԳԻՐ

5	<i>ՏՌ - ԳՌ հենարանի նորոգում, առանց ներդրակի փոխարինման և վերալցման և ռոտորի հանման</i>	<i>հատ</i>	<i>1</i>	
6	<i>ԳՌ հենարանի նորոգում, առանց ներդրակի փոխարինման և վերալցման և ռոտորի հանման</i>	<i>հատ</i>	<i>2</i>	
7	<i>Տուրբաագրեզատի լիսեռագծի կենտրոնադրման թերությունների վերացում</i>	<i>հատ</i>	<i>1</i>	
8	<i>Զույգ ռոտորների միացման ծնկաձևության վերացում</i>	<i>հատ</i>	<i>1</i>	
9	<i>Լիսեռադարձկեն հարմարանքի նորոգում</i>	<i>հատ</i>	<i>1</i>	
10	<i>ԲՃ և ՑՃ ավտոմատ փակադակի կափույրի նորոգում մետաղի հղկումով</i>	<i>հատ</i>	<i>2</i>	
11	<i>ԲՃ կարգավորող կափույրի նորոգում մետաղի հղկումով</i>	<i>հատ</i>	<i>2</i>	
12	<i>ՑՃ կարգավորող կափույրի նորոգում մետաղի հղկումով</i>	<i>հատ</i>	<i>2</i>	
13	<i>Տուրբինի իրանի ջերմամեկուսացման տեղադրում</i>	<i>մ³</i>	<i>2.1</i>	
14	<i>Կարգավորման կափույրի շարժաբերի (ակտուստոր) նորոգում, կարգաբերում</i>	<i>հատ</i>	<i>2</i>	
15	<i>6.3մ³ և 0.35մ³ ծավալով Յուդաբաբերի նորոգում մաքրում, ֆիլտրերի լվացում</i>	<i>հատ</i>	<i>2</i>	
16	<i>Գազահեռացման սարքի (էքսզաուստեր) նորոգում</i>	<i>հատ</i>	<i>2</i>	
17	II. GTLRI 514/57-2, 75 ՄՎԱ Գեներատոր			11.0667
18	<i>Տուրբազեներատորի վահանների, դիֆուզորների, հանում և տեղադրում</i>	<i>հատ</i>	<i>2</i>	
19	<i>Խոզանակային սարքի հանում և տեղադրում</i>	<i>սարք</i>	<i>1</i>	
20	<i>Խոզանակային սարքի նորոգում առանց հպողակները հղկելու</i>	<i>սարք</i>	<i>1</i>	
21	<i>Օդահովացուցիչի հանում, մաքրում, կիպացնող ռետինների փոխարինում, հավաքում, մամլում և տեղադրում</i>	<i>հատ</i>	<i>4</i>	
22	III. Մետաղի ստուգման աշխատանքներ <i>Տեսողական-չափողական զննում, գունավոր արատանշում և ՈՒՉԱ</i>	<i>դմ²</i>	<i>115</i>	0.6602

Ծանոթացում՝ - Նորոգման աշխատանքներն իրենց մեջ ներառում են սարքավորումների մասերի կազմատում, մաքրում, լվացում, արատատորոշում, արատավոր դետալների փոխարինում, հավաքում :



ՀՇԳՑ ԷՆԵՐԳԱԲԼՈՎԻ ՍԱՐՔԱՎՈՐՈՒՄՆԵՐԻ ԿԱՊԻՏԱԼ ՆՈՐՈԳՄԱՆ ԱՇԽԱՏԱՆՔՆԵՐԻ ՏԵԽՆԻԿԱԿԱՆ
ԲՆՈՒԹԱԳԻՐ

- Նորոգման ընթացքում մաքրման աշխատանքների համար օգտագործվող նյութերը տրամադրում է կապալառուն:
- Նորոգման ընթացքում օգտագործվող ընդհանուր օգտագործման (ստանդարտ) գործիքները տրամադրում է կապալառուն, (բացի հատուկ գործիքներ, սարքվածքները հարմարանքներ և այլն):